

LOTTO 5

Cuminsando cu 4 florin, bo por gana e suma grandi aki

Afl.

120.000,-

Obtenibel na cualkier rebendado di Lotto.

Sorteo ta awe noch



Crecemento turistico mester permiti espacio pa naturalesa

Sosten total pa e lucha pa e medio ambiente di Aruba

- *Proteccion di naturalesa na Aruba mester wordo garantisa*
- *Bienestar di hende directamente conecta cu su ambiente*



ORANJESTAD(AAN)-- Den tur e caso economico, financiero y social cu ta na discusion actualmente na Aruba, e futuro di e medio ambiente di e pais ta di gran preocupacion y ta haya tur atencion. Informacionnan cu DIARIO ta ricibi ta indica cu na Aruba tambe tin sosten

total pa conservacion di naturalesa di e pais y pa garantia wordo duna di cumplimento di decision di Parlamento di Aruba riba e tereno aki. E siman aki atrobe e lucha di e organisacion Aruba Birdlife Conservation a haya atencion debi na un caso cu e mester a presenta den Corte pa

evita cu den vecindario di Bubali Plas mas tereno ta bay wordo desaroya pa construccion di proyectonan. Informantenan ta muestra cu na nivel internacional por nota e importancia pa proteha y conserva naturalesa na bienestar di e pais y di hende. "Bubali Plas, cu na nivel

internacional ta wordo considera wetlands, tin su papel importante na bienestar di Aruba. E ta un proteccion pa nos costa, pa nos parhanan pero tambe pa henter naturalesa di cual hende ta forma parti," a wordo treci dilanti.

A wordo adverti pa peligernan pa islanan manera Aruba cu a sacrifica nan naturalesa y awor ta wordo confronta cu un medio ambiente destrui. Esaki tin resultado grave hasta pa economia pero tambe pa hende y e pais. "Aruba mester di un balansa di loke ta bon pa economia pero tambe bon pa e ser humano y tur loke ta su ambiente natural. Si e pais no atende su asuntonan riba tereno di medio ambiente e lo afecta

hasta e salud di hende cu ta perde su miho recurso humano cu ta su contacto cu naturalesa," a wordo treci dilanti.

Wetlands, areanan manera Bubali ta wordo proteha hasta pa e calidad di awa den suela na cual nan ta contribui.

Nan proteccion ta directamente mara na e menasa serio cu ta conoci na Aruba tambe loke tabata motibo pa Parlamento di Aruba unanimamente a bay di acuerdo cu 16 area na Aruba lo wordo proteha como areanan di importancia natural y lo a wordo poni bou di e areglonan di e Parke Nacional di Aruba.

Decisionnan mester wordo tuma cu urgencia segun informantenan a indica na DIARIO.